

SUID-AFRIKAANSE RADIOLIGA NUUS VIR SONDAG 27 FEBRUARIE 2022

Goeie môre en welkom by die weeklikse nuus uitsending van die Suid-Afrikaanse Radioliga, gelees deur _____ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins uit in Afrikaans sowel as Engels om 08:15 en 08:30 Sentraal Afrika Tyd onderskeidelik uit op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio bulletins kan afgelaai word vanaf die Liga webwerf by www.sarl.org.za, terwyl die teks bulletins by <https://sarlnwsbulletin.wordpress.com/> afgelaai kan word. Om by die Mailchimp bulletin e-poslys aan te sluit, stuur 'n e-pos aan die SARL Sekretaris.

SARL Nuus en Amateur Radio Today opnames. Terwyl daar aandag gegee word aan die probleme wat sommige lede ervaar met toegang tot die SARL-webbladsye, is 'n bykomende kanaal nou vanaf hierdie Sondag beskikbaar. Teken in by www.amateurradio.org.za om die weeklikse SARL News-oudio-opnames af te laai en om Amateur Radio Today te luister of af te laai.

In die nuus vandag:

DIE SANDTON JAKKALSJAG VANDAG

ELEKTRONIESE STEMMING VIR DIE SARL FJS SLUIT OP DONDERDAG 3 MAART

en

RADIO ZS 75-STE HERDENKINGS UITGAWE

Bly ingeskakel vir meer inligting oor hierdie en ander interessante nuusitems.

Ons begin hierdie bulletin met nuus van 'n stil sleutel.

Dit is met leed wese dat ons aankondig dat die sleutel van Frans Markram, ZS3VOS stil geword het. Hy was vir die laaste 3 jaar 'n lid van die Bo-Karoo ARK en 'n staatmaker lid van die Klub. Ons betuig ons innige meegevoel met sy vrou Betty, familie en vriende.

POUSE

Jy luister na nuus uitsending van die Suid-Afrikaanse Radioliga.

DIE SANDTON JAKKALSJAG VANDAG

Ons het jou hulp nodig om die jakkals te vind. Bronne vertel dat die Jakkals vandag Sondag 27 Februarie, Internasionale Melktertdag, 'n kriptiese kode op 144,525 MHz sal uitsaai vanaf 09:00 SAT. Die Jakkals is binne 'n radius van 3 km van die Bryanston-dennebos in Bryanston, Johannesburg en Matthew, ZS6MDV sal op die jag-koördinasie frekwensie van 145,525 MHz wees en wag

vir jou roep om jou deelname aan te kondig en hopelik jou sukses. Almal is welkom, so sal jy die uitdaging aanvaar om die Fox te vind?

DIE 5 MHZ NUUSBRIEF VIER SY TIENDE VERJAARDAG

Paul Gaskell G4MWO, die redakteur van die 5 MHz-nuusbrief dat die jongste uitgawe van die 5 MHz-nuusbrief (No 28 Herfs/Winter 2022) - ons tiende verjaarsdag - nou beskikbaar is vir gratis pdf-aflaai vanaf die 'Eksterne skakels'-afdeling van die Wikipedia 60 m-band bladsy of die RSGB 5 MHz-bladsy. Hierdie uitgawe bevat 5 MHz-nuus van 6 lande, Maleisië Emcom-reaksie, 10 jaar van die 5 MHz-nuusbrief, Oefening Blue Ham 22 - 1, die Wêreld van 5 MHz Herfs/Winter 2022 en die Wiki 60 Meter Band-bladsy.

ELEKTRONIESE STEMMING VIR DIE SARL FJS SLUIT OP DONDERDAG 3 MAART.

Die stemming vir die SARL Finansiële Jaarstate vir die Jaar geëindig 30 Junie 2021 sluit om 23:59 SAT op Donderdag 3 Maart. As jy nog nie jou stem uitbring het nie, besoek asseblief www.sarl.org.za/Web3/ElectronicVoting/Default.aspx om jou stem uit te bring. Jy moet op die blokkie "Ek bevestig dat ek die Mosies hierbo gelys gelees en ten volle verstaan" klik en dan met jou roepsein en wagwoord aanmeld. Die stem opsies is "Ja" of "Nee" of "Onthou". Volg die instruksies op die stem bladsy en dien jou stem in. Jy sal 'n e-pos ontvang wat bevestig dat jy gestem het.

BESPREEK NOU VIR DIE SARL TEGNIESE SIMPOSIUM

Die SARL Tegniese Simposium "Ontsluit Amateur Radio Tegnologie," sal gehou word op Saterdag 9 April 2022 vanaf 10:00 SAT op die BlueJeans platform. Dit is gratis vir SARL- en AMSAT SA-lede. Registreer nou! Klik op die skakel op www.sarl.org.za of www.amsatsa.org.za.

President van IARU Streek 1, Sylvain Azarian, F4GKR, sal die deksel van sagteware-gedefinieerde radio- en amateur radio-toepassings afhaal. Cor Rade-meyer sal praat oor die opsporing van RF-voortplantingsversteurings deur GPS posisie-data te ontleed en Brian Jacobs sal 'n opdatering oor die SARL volgende generasie baken projek aanbied en het 'n paar interessante nuwe inligting oor 'n nuwe bakenstelsel wat tans getoets word. Ons sal die NCDXF HF-bakenstelsel verken, 'n seën vir DXers. Kom meer te wete oor die SARL-100-projek en die AMSAT SA AfriCUBE-satelliete.

Jy luister na nuus uitsending van die Suid-Afrikaanse Radioliga.

RADIO ZS 75-STE HERDENKINGS UITGAWE

Die eerste uitgawe van Radio ZS is in Julie 1947 gepubliseer en die Julie 2022-uitgawe van Radio ZS sal 'n spesiale 75-jarige Herdenkings uitgawe wees. SARL-lede en -klubs word uitgenooi om artikels in te dien vir die Julie 2022-uitgawe van Radio ZS! Wees deel van hierdie spesiale uitgawe! Stuur jou artikel in MS Word, OpenOffice of RTF, in Engels (Suid-Afrika) of Afrikaans font Calibri grootte 12, teen Vrydag 17 Junie 2022 na radiozs@sarl.org.za.

DIE FEBRUARIE 2022 RADIO ZS

Die Februarie 2022-uitgawe van Radio ZS sal vanaf Maandag 28 Februarie beskikbaar wees vir aflaai. Voor die BACAR-lansering in Oktober verskyn die eerste in 'n reeks artikels wat kyk na voorbereiding vir die ballon lansering. Ons kyk na amateur radio stasie-aarding, ekstreme SOTA in Suid-Amerika, hande aan met morsekode en die Tru-Baken Network. Ons besoek die vuurtoring op Dassen-eiland en het modifikasies en verbeterings vir die Heathkit SB 200-versterker. En meer in hierdie uitgawe.

TWEE KOMPETISIES VOLGENDE NAWEEK

Die SARL JD QSO Partytjie, wat op Saterdag 5 Maart van 12:00 tot 13:00 UTC plaasvind, vier Internasionale Vrouedag op 8 Maart en almal moet soveel moontlik JD-stasies werk. Dit is 'n GG en foon kompetisie op 40 meter en die uitruiling is 'n RS of RST verslag en JD of OM. Dien jou logstaat in teen 21:59 UTC op Donderdag 10 Maart 2022 per e-pos na zs3vdk@webmail.co.za. Blaai na bladsy 32 van die 2022 Blou Boek vir al die inligting.

Die SARL HAMNET 40 m Gesimuleerde Nood kompetisie vind plaas tussen 12:00 tot 14:00 UTC op Sondag 6 Maart 2022. Dit is 'n ESB-kompetisie op die 40 m-band en is oop vir alle radio amateurs in Suid-Afrika en buurlande. Toets jou operateur vaardigheid en stasie ontwerp om te sien hoe goed jy kan doen en waar jy kan verbeter. Daar is verskeie kategorieë, antenna beperkings en vermenigvuldigers – maar gelukkig is alles wat jy oor die kompetisie moet weet op bladsye 68 en 69 van die 2022 SARL Blou Boek beskikbaar. Ons sien uit daarna om jou by ons aan te sluit! Wat van 'n Klub bring en Braai en dan die kompetisie?

KLUB NUUS

Die Kaapstadse ARS sal soos altyd op die eerste Saterdag van Maart sy jaarlikse Groot-snuffelmark/kattebak verkoping hou. Dit is een van die grootste jaarlikse amateur geleenthede in Kaapstad. Die hekke open Saterdag 5 Maart om 12:00 by die Klubhuis en die klub gaan braaivleisvure aansteek vir diegene wat wil braai en yskoue verversings sal te koop wees. Almal is welkom.

HF VOORTPLANTINGSVOORSPELLING

Hannes Coetzee, ZS6BZP, berig dat die verwagte sonaktiwiteitsvlak laag gaan wees. Tans is daar 'n paar sonvlekke met eenvoudige magnetiese samestellings sigbaar. Daar is 'n geringe moontlikheid van C-klas sonfakkels. Diegene wat hulle eie frekwensievoorspellings wil doen, kan 'n verwagte effektiewe sonvlektelling van 45 vir die week gebruik. Radio amateurs kan goeie DX openinge op die 12 tot 30 m bande verwag. Besoek gerus die webtuiste spaceweather.sansa.org.za vir meer inligting.

Nou die dagboek van gebeure vir die volgende paar weke:

Vandag – Internasionale Melkert dag en die Sandton ARK-jakkalsjag

- 5 Maart – die SARL YD QSO Partytjie
- 5 en 6 Maart – die ARRL Internasionale DX Foon Kompetisie
- 6 Maart – die SARL HAMNET 40 m Gesimuleerde Nood kompetisie
- 8 Maart – Internasionale Vroue dag
- 10 Maart – die sluitingsdatum vir YD logstate
- 11 Maart – die sluitingsdatum vir Hamnet logstate
- 12 en 13 Maart – die SARL Velddag en die RSGB Statebond Kompetisie

Om die bulletin mee af te sluit, 'n opsomming van ons hoof berig:

Die stemming vir die SARL Finansiële Jaarstate vir die Jaar geëindig 30 Junie 2021 sluit om 23:59 SAT op Donderdag 3 Maart. As jy nog nie jou stem uitgebring het nie, besoek asseblief www.sarl.org.za/Web3/ElectronicVoting/Default.aspx om jou stem uit te bring.

Dit bring ons aan die einde van hierdie bulletin.

Die Suid-Afrikaanse Radioliga se nuus diens nooi klubs en individue uit om nuus brokkies van belang vir radio amateurs en kortgolf luisteraars in te dien. Plaas nuus berigte indien moontlik, in beide Engels en Afrikaans op die Suid-Afrikaanse Radioliga webtuiste onder die 'news inbox' skakel nie later as die Vrydag wat die bulletin datum vooraf gaan nie.

Luister elke Sondag oggend om 10:00 Sentraal Afrika Tyd na "Amateur Radio Today." Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n Heruitsending aangebied deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas.

Ons ontvang graag jou sein rapporte, kommentaar en voorstelle, stuur 'n e-pos aan artoday@sarl.org.za.

Jy het geluister na 'n nuus uitsending van die Suid-Afrikaanse Radioliga, geskryf deur Dennis Green, ZR6BP, geproeflees deur Johan de Bruin, ZS6JHB en gelees deur

Van die Nuusspan, die beste wense vir die week vorentoe.